

Item. Soe wie backen of vrouwen wille oft elken letten wille diese nu
met en hebben die en moeghen gheen vier daer in stoken het en si bite
screpenen en die gheswoerne vander stat op eenen roer van .x. lib zwarte.

Item. Soe wat man of wijf linen vrant volghede opt kerchof of in die
kerke hi waers op .x. lb of .x. iaer die poerte alsoe dicke als hi
daer binnen quame elc iaer een let.

Item. Soe wie name des heylighen gheests puende ende daer af leuede
daer soude die heylighe gheest sijn goet of behoude ende aen besteruen
als hi met langher en ware.

Item. Soe en salmen nyement in die kerke grauen hi en besette der kerken
xij. grote thiaers payments erklijcs thyns ende daer toe eenen custbaren
gere oft .x. oud salde daer wore Ende dien chijne salmen bewisen binnen
der eerster maent na dat hi starft Ende den zercke oft .x. oud salde binne
den eersten haluen iare Ende waer des niet en ghescrede soe salmen wt
panden vanden ghereedsten goede dat die wde achter liet

Item. Soe wie een kint in die kerke grauen wille dat onbemaert es die
sal der kercken daer wer bewisen .xij. grote thiaers payments erklijcx
chyns En eest bemaert soe salt hebben eenen zarcke en .xij. grote thiaers
als werlorenen es.

Item. Sal elc hws hebben eenen houten eemer ende een oelvat ende die
ten brande brenghen of leynden op .xx. scelling Ende wie voer den
eemmer eenen akker ofte ketel brengh die salder mede volstaen.

Item. Elc hws sal hebben een leeder van .xx. voeten of daer touen

Item. Soe wat man daghelijcs pijn op den werf om sijn loen die sal ten
brande comen arbeiden het si water draghen ofte andere orbaer doen En
dat salmen hem loenen bi die scoepene na dat die arbeit valt Ende waert
dat hi des niet endade soe verboerde hi een iaer die poerte

Item. Elc mensche die te brande arbeiden wille dien salmen sijn arbeit
loenen bi den scoepenen es hi wijf of man.

Item. Soe waert berude binnen breda daert van haers selfs vier toe q
me ende des niet en openbaerde die waers op eenen roer van .v. lb zwarte.
Ende die broeke sal ghelden die ghene die dat hws bewoent daer die wat
af went

Item. Sal elc hws hebben een vier clocke op .v. scelling zwarte Ende
elc hws sal hebben een lanterne ende die hanghen voer die doere allt
berut bi nachte op .v. scelling zwarte.

Item. Soe wat manne die hee ende die poerte namen alle scutte te we
sen dat en mach hi niet weder legghen dat iaer al wt op eenen roer
van .xx. lb alsoe dicke als hijt weder leyde

Item. Soe wie dat gheest es neuen thieere strate die sal sijn sloet
alwes loftbaerlic houde ende rumen Ende vielt dat die sloet wer lande
soe salmen die aerde op werpen ten dyke waert ende niet ten erue
waert dat daer neuen legghet Ende wie sijn sloet niet en rumede
of die aerde anders worpe dan op den dyke verwoerde .xx. scellinghe

Item. En sal nyement gheen hout legghen in dijc sloet noch in water laet
op eenen roer van .xx. scellinghen